

Gvangjsih Minzczuz Bau

ganhhau: CN45-0036 B.2020 Nd.5 Ng.20 liggaueq gengcej nienz ndwenseiq ngeihcib bet

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3424 期

Swcigih Minzczunghvej Daengz Liujcouh Si Diu- yenz Gij Hong Minzczuz Doxgiet Cinbu Cauhlaeb

5 nyied 11 hauh daengz 14 hauh, Swcigih Minzczunghvej Dangcuj fusuhgi, fucujyin Lij Cinlinz daiq doih daengz Liujcouh Si diuyenz gij hong minzczuz doxgiet cinbu cauhaeb, haeujlaeg rox cingcuj gij hong guh ndaej baenzlawz yiengh, dingq gih-cwngz gak cuz ganbu vunzlai yigen genyi.

Diuhyenzcuj caez bae daengz

Sanhgyangh Dungcuz Bozvuzgvanj, Sanhgyangh Minzczuz Sizyen Yozyau, Sanhgyangh Linzhah Cin daengj dieg, diuyenz Liujcouh Si gij hong minzczuz doxgiet cinbu cauhaeb. Byaij daengz gizlawz, diuhyenzcuj doenggvaq saed-dieg cazyawj dangjan caizliu, dingq veibau caeuq cazyawj guhhong daengj, doiq Liujcouh Si guh gij hong minzczuz doxgiet cinbu cauhaeb rox ndaej engq

cingcuj, hix doiq Liujcouh gij hong minzczuz doxgiet bouhlaeng daezok yigen genyi.

Lij Cinlinz naeuz, Liujcouh Siveij, Si Cwngfuj gig yawjnaek gij hong cauhaeb minzczuz doxgiet cinbu, diemj guhyiengh cingzyauq yienhda, youq daengx gih hong cauhaeb laeb baenz yienghndei. Maqmuengh Liujcouh Si nyinhcaen cunggez ging-

niemh, gyamaenh gij cwngzgoj aeu-ndaej haenx, caepmaenh gij nyinhrox caemh aen Cungghvaz minzczuz ndeu, doidoengh Liujcouh gij hong minzczuz doxgiet cinbu cauhaeb caiq hwnj mbaek moq, cauhaeb aen si guhyiengh minzczuz doxgiet cinbu daengx guek.

(Suh Gwzcinh Cinz Conhvaz Lungz Vwnz Vuz Veiliuz)

Sanhgyangh: Feihyiz Vwnzva Haeuj Hagdangz



5 nyied 13 hauh, Sanhgyangh Dungcuz Swciyen Gujyiz Cin Cunghsinh Siujyoz guh aen hozdung feihyiz vwnzva haeuj hagdangz, iucingj lauxsae ndaw yienh vwnzva' gvanj caeuq bouxswncienz feihyiz daengz hagdangz "soengq son hwnj dou", cienzson boqvenz, veh veh Dungcuz daengj feihyiz bonjsaeh. Gaenh bi daeuj, Sanhgyangh gyarengz doicaenh gij hozdung minzczuz vwnzva haeuj hagdangz, doenggvaq ca lauxsae swhyenz, ca beizyin, ca hozdung daengj banh-fap, yinx gij vwnzva "feihyiz" haeuj hagdangz, fungfouq vwnzva saedcej ndaw hagdangz. Ndaw doz dwg lauxsae vwnzva' gvanj son siuj-hagseng hag boq vnz. (Gungb Bujganh)

Gvangjsih Lienzdaemh Seiq Bi Duetgungz Gunggeng Cingzyauq Gyoebhab Bingzgyaq Ndaej Daengjgaep Ndei

Seizneix, Gozvuyen fuzbinz hai-fat lingjdauj siujcuj gaujhaed gezgoj yienjok, Gvangjsih 2019 nienz duet-gungz gunggeng cingzyauq gaujhaed gyoebhab bingzgyaq ndaej ndei. 2019 nienz daengx bi 20 aen yienh gig gungz haenx gungb gemj gungz 48.25 fanh vunz, 708 aen mbanj gig gungz ok lied, 12 aen yienh gig gungz haenx ndaej duet mauh.

Gih raeuz gyonjcomz gunggeng yivu gyauyuz, gihbwnj yihliuz, ranzyouq ancienz "sam baujcaeng"

caeuq gwn raemx ancienz, comzra cienzngaenz, gaijgez gizdinj. Gyavaiq fazcanj gij canjyez yienh gaep, cunh gaep miz daegsaek. Gyalaeq Gvangjdungh Gvangjsih lauzyu doxgap, coicaenh gungzhoj vunzhong onj-dingh couhnieb, laeb moq goeng-iksingq gangjvei, senjcingj bouxhenndoeng swngdhai, daegbied ngengcoh 21 aen yienh duet mauh. Guh ndei senjdieg laebdaeb bangfuz, okdaiz aen cienhangh guhhong fueng'anq senjdieg laebdaeb bangfuz, 21 aen

yienh duet mauh gyonjcomz buen-senjdienj gihbwnj moix hoh miz 1 bouxvunz doxhwnj onjdingh couhnieb, gyoengq vunzlai gungzhoj gij naengz-lig gag fazcanj de mingzyienj dem-giengz.

Doengzseiz, saedyienh mbanj-mbanj doengdienh, doengvangj, caemhcai youq 21 aen yienh duet mauh doicaenh aen hanghmoeg saenqhauh 4G vangilozyiengq aen mbanj 20 hoh doxhwnj haenx cwgoemq.

SIUSIK DINJ

● 2020 nienz doxdaeuj, Yungzsuij Myauzcuz Swciyen Minzczuz Cungghyau Giz daj dukcoi genjcaz roengzfwngz, gyavaiq doidoengh saujsu minzczuz fazcanj swghinh hanghmoeg gensez bang-rengz duetgungz gunggeng, bauj cindu, bauj caetliengh, bauj cingzyauq, hawj saujsu minzczuz fazcanj swghinh hanghmoeg saed-caih cauhfuk gak cuz vunzlai.

(Cinz Cungghdwz)

● Ginhcouh Si haenqrengz cauhaeb minzczuz doxgiet cinbu caeuq seveicujyi haedsim gyaciz-gvanh, doenggvaq gyalaeq cauhaeb minzczuz doxgiet cinbu neihanz, haigvangq senhconz gyauyuz fuengsik, gikfat cingzgamj gak cuz vunzlai, gietcomz rengzgap caez coicaenh minzczuz doxgiet, caezguh mbanjranz gyaunde.

(Liu Swjveih)

● 5 nyied 12 hauh, Namz-ningz Si Vujmingz Gih minzczuz cunghgyau cwngcwz fapgyi vangilozyiengh doxda haidoengh. Doxdax yungh gij fuengsik soujgih dap daez bae guh, youz Vujmingz Gihvej Dungjcanbu cawjbanh, Vujmingz Gih Yungzmeizdij Cungsim bang banh, fatbouh youq gwnz gungghcunghau "Vujmingz Yinz", hozdung lienzdaemh banh daengz 5 nyied 31 hauh.

(Veiz Hwngzli)

● 5 nyied 14 hauh, Gvangjsih Cungzcoj Henzguck Guenjieix Cihdui lienzhab gak bouhmonz dukcaz Aiden Cin henzyaiq itsienq, caez guh ndei gij hong fuengzre binghraaq daj guekrog cienz haeuj, giengiet cukmaenh diuz fuengzsiengq douguek.

(Cauh Yizganh)